

Pelita



Brunei

T.B.P., K.B.

DI-TERBITKAN OLEH JABATAN PENERANGAN KERAJAAN NEGERI BRUNEI
DUA KALI SA-BULAN

Tahun 3 No. 10

1hbl. July, 1958

BERLANGSONG-NYA SUKAN ANTARA TIGA BUAH NEGERI2 DI-BORNEO BRITISH
Borneo Utara balek dengan kejaya'an yang gilang gemilang

PERJUMPA'AN sukan antara negeri2 di-Borneo British telah berlangsung sejara besar2an berturut2 pada hari2 Juma'at 20hbl. dan Sabtu 21hbl. June yang lalu. Negeri2 yang telah mengambil bahagian itu ia-lah Brunei, Borneo Utara dan Sarawak. Antara sesak para penyaksi di-tamasha yang meriah dan bersejarah itu ia-lah Tuan Yang Terutama Gobernor Sarawak merangkap Pesuroh Jaya Tinggi bagi Brunei, dan Gobernor Borneo Utara. Seri Paduka Duli Yang Teramat Mulia Pengiran Bendahara juga telah turun menyaksikan di-tamasha tersebut. Khemah2 dan berkeliling padang telah penoh sesak dengan penyaksi2 penggemar sukan, terdiri dari segala bangsa dan ugama dan dari gulongan lelaki, perempuan termasuk budak2 sekolah dan orang dewasa.

Sapanjang sukan itu berjalan semua peserta dari ketiga buah negeri itu kelehatan bergiat dan menunjukkan kebolehan masing2 dan juga berazam merebut kemenangan dengan mengikuti tata tertib dalam sukan; bolehnya 12 rekord baharu telah di-chapai tahun ini.

Tujuh rekord baharu telah di-buat oleh Borneo Utara, empat rekord telah di-buat oleh Brunei dan satu di-buat oleh Sarawak.

Perjumpa'an sukaan termaklum telah di-adakan di-Padang Peikan Brunei di-Bandar Brunei dan telah di-buka dengan resmi-nya oleh Tuan Yang Terutama Gobernor Sarawak merangkap Pesuroh Jaya Tinggi bagi Negeri Brunei, manakala sumpah sukan telah di-bacha oleh A. Sibidol, Ketua Pasukan Sukan Brunei.

Dalam perjumpa'an ini Borneo Utara telah dapat mengatasi markah2 yang di-dapat oleh Sarawak dan Brunei dan dari itu telah menyandang gelaran johan bagi tahun 1958. Markah2 yang di-chapai oleh ketiga negeri itu: Borneo Utara mendapat $70\frac{1}{2}$ mata, Sarawak mendapat 47 mata dan Brunei mendapat $32\frac{1}{2}$ mata.

Hadiyah2 kapada yang berjaya telah di-sampaikan oleh M. E. M. Gilbert isteri Yang Berhormat Tuan British Resident J.O. Gilbert.

Berita dan keputusan penoh mengenai sukan ini kita siar kan di-lambaran dalam.

DI-HUKUM KERANA BELUM LEPAS EDAH

MENINGGAL di-MEKAH

Bintang binte Nadin dan Abdul-lah bin Haji Lamit telah di-jatohkan hukuman penjara kerana melakukan jina'. Demikian dari Mahkamah Shariah Bandar Brunei.

Bintang, balu kapada Haji Kadir yang telah meninggal dunia belum pun tamat 4 bulan 10 hari kerana edah ia-lah salama itu, telah bersalah dengan Abdullah; pembichara'an berlangsung pada 16hbl. June yang lalu.

Kedua2 yang bersalah ini dari Kampong Lunapas; Abdullah di-jatohkan hukuman penjara selama 3 bulan kerja berat manakala Bintang salama 1 bulan kerja ringan.

Dengan sedeh di-beretakan bahawa 5 orang dari jama'ah Brunei telah meninggal dunia di-Mekah. Demikian mengikut kawat2 yang telah di-terima dari Mekah.

Telah meninggal dunia pada 18hbl. June, 1958 ia-lah Mohd Ja'afar bin Haji Othman dari Kampong Lurong Sekumpul, Brunei berumur 45 tahun; Bayan bin Salleh berumur 70 tahun dari Kampong Felambayan, Brunei dan Ukoh binte Adan berumur 55 tahun dari Kampong Jerunin, Tutong.

Telah meninggal dunia pada 23hbl. June, 1958 ia-lah Orang Maya Muda Haji Hassan bin Ja'afar berumur 31 tahun dari Batu Tuau Temburong dan Marta binte Ja'afar berumur 70 tahun dari Kampong Pasai Batu 10, Sengkurong.

PERADUAN MENGARANG SANDEWARA
RADIO DAN POKOKARANG CHERITA
SERTAIK ANJURAN RADIO BRUNEI -
terbulu kepada penduduk Brunei

Pihak Radio Brunei menggalakkan sesiapa juga yang berada dalam Brunei supaya mengambil dalam bahagian mengarang cherita sandewara dan cherita pendik. Hadiah2 akan di-berikan, untuk cherita sandewara yang pertama \$100., kedua \$60. dan ketiga \$40. Untuk cherita pendik penenang yang pertama \$60., yang kedua \$40. dan ketiga \$25.

Cherita2 itu hendak-lah di-tulis pada sabelah nulu sahaja dalam tulisan jawi atau pun rumi, dan cherita2 yang berjaya akan di-siarkan melalui Radio Brunei dan semua cherita2 yang di-hantar untuk di-tandingkan ada-lah menjadi hak Radio Brunei. Hak2 untuk menyiarannya, menyalin atau menerbitkannya ada-lah terpelantra.

Peraduan ini di-tutup pada 31 hbl ini, keputusan hakim ada-lah jitu, tidak di-terima sabarang rayuan atau bantahan. Jika cherita2 yang mendapat tempat itu di-siarkan di-Radio akan di-adakan pembayaran sabanyak \$25. untuk sandewara radio dan \$10. untuk cherita pendik.

LAISIN PAJAK GADAI TIDAK LAGI

Mulai dari 1hbl. January, 1959 Keraja'an Brunei tidak lagi menjelaskan laisin2 pajak gadai dengan tender. Pemohon2 akah di-timbangkan dan bayaran sabulan ada-lah \$75. bagi daerah2 Brunei, Kuala Belait dan Seria, \$25. bagi daerah2 Tutong dan Temburong.

Pemohonan2 hendak-lah di-tujukan kepada British Resident tidak lewat dari 30hbl. November, 1958 dan bayaran-nya hendak-lah tahunan, bayaran deposite sabanyak \$500 hendak-lah di-buat sabelum laisin di-keluarkan.

dari muka depan

KEPUTUSAN PENOH PERJUMPA'AN SUKAN BERLANGSONG DI-BRUNEI

Pada hari yang pertama, Hari Juma'at 20hb1. tamasha sukan itu telah di-mulakan selepas pembuka'an resmi-nya dan istiadat mengangkat sumpah tepat pada pukul 3.20 petang. Perlawanan2 hari ini berbilang sabanyak 11 jenis dan pada hari yang kedua ia-itu Hari Sabtu 21hb1. 15 jenis, perlawanan di-mulai pada pukul 2.30 petang.

Hari Pertama:

Lari 120 ela lompat pagar bahagian lelaki; yang pertama Ahmad Kreah dari Borneo Utara, dengan masa 16.3 sa'at ia-itu rekord baru, kedua G.C. Yapp dari Brunei dan ketiga Chin Chee Leong dari Borneo Utara.

Lompat galah; yang pertama Joseph Chua dari Sarawak dengan tinggi-nya 10'8", kedua George Chong dari Brunei dan ketiga Tsen Kang Yin dari Borneo Utara.

Melempar lembeng bahagian perempuan; yang pertama Irene Sibidol dari Brunei dengan jauh-nya 87'6", kedua Fung Soon San dari Borneo Utara dan ketiga Chiew Kwán Mei dari Brunei.

Lomba lari 440 ela; yang pertama Tham Siew Kai dari Sarawak, dengan masa-nya 54.2 sa'at, kedua Lim Poi Ho dari Borneo Utara dan ketiga H.S. Kiprawi dari Sarawak.

Melempar lembing bahagian lelaki; yang pertama A. Sibidol dari Brunei dengan jauh-nya 165'9" ia-itu rekord baru, kedua Paran dari Sarawak dan ketiga Peter Govind dari Bornao Utara.

Lomba lari 100 ela bahagian perempuan; yang pertama P. Stah-lman dari Borneo Utara dengan masa-nya 12.1 sa'at ia-itu rekord baru, kedua Rose Chong dari Brunei dan ketiga Lau Suan Lim dari Sarawak.

Lompat jauh bahagian lelaki; yang pertama Gabuh bin Picing dari Borneo Utara dengan jauh-nya 22'10", kedua Joseph Lee dari Sarawak dan ketiga Peter Paut dari Borneo Utara.

Lompat tinggi bahagian perempuan; yang pertama Adina Abad dari Borneo Utara dengan tinggi-nya 4'8", kedua Elizabeth Lim dari Borneo Utara juga dan ketiga Kit Lui Su dan Frances Chia kedua2-nya dari Sarawak.

JAMUAN PERPISAHAN UNTOK GILBERT

Pendudok2 di-daerah Tutong akan mengadakan satu jamuan ramah tamah kerana memberi selamat berpisah kapada Yang Berhormat Tuan British Resident J.O. Gilbert dengan mem-nya pada esok tengah hari bertempat di-Sekolah Melayu Muda Hashim, Tutong.

Tuan Gilbert akan balek ke-negeri-nya bersara sebagai British Resident Brunei dalam bulan ini.

- sambongan dari muka 3 -

Lomba lari 3 batu; yang pertama A. Wahab Salleh dari Sarawak dengan masa-nya 16 minit 33.2 sa'at, kedua D.S. Kler dari Borneo Utara dan ketiga Lim Yang Hang dari Sarawak.

Melempar peluru bahagian perempuan; yang pertama Irene Sibidol dari Brunei dengan jauh-nya 27 kaki 3 inchi, kedua Rose Ng dari Borneo Utara dan ketiga Fung Soon San juga dari Borneo Utara.

Lari berganti2 440 ela; yang pertama Sarawak, kedua Borneo Utara dan ketiga Brunei.

Hari Kedua:

Lari 80 meter lompat pagar bahagian wanita; yang pertama Emily Mathews dari Borneo Utara dengan masa-nya 14.2 sa'at, kedua Rosalind Anding dari Sarawak dan ketiga Frances Chia dari Sarawak.

Lari 100 ela bahagian lelaki; yang pertama Joseph Lee dari Sarawak dengan masa-nya 10.1 sa'at ia-itu rekord tahun lalu, kedua T. Janting juga dari Sarawak dan ketiga P. Vatsaloo dari Brunei.

Melempar piring besi; yang pertama A. Sibidol dari Brunei dengan jauh-nya 112 kaki 4 inchi ia-itu rekord baru, kedua Eric Chin dari Borneo Utara dan ketiga Anang bin Gambidi juga dari Borneo Utara.

Lomba lari 880 ela bahagian lelaki; yang pertama A.S. Man dari Borneo Utara dengan masa-nya 2 minit 7 sa'at ia-itu rekord baru, kedua Tham Siew Kai dari Sarawak dan ketiga Jules Mason dari Sarawak juga.

Lomba lari 220 ela bahagian wanita; yang pertama P. Stahiman dari Borneo Utara, dengan masa-nya 29.8 sa'at, kedua Lau Suan Lin dari Sarawak dan ketiga Fung Soon Moi dari Borneo Utara.

Peraduan lompat kijang; yang pertama Gabuh bin Piging dari Borneo Utara dengan jauh-nya 49 kaki $1\frac{1}{2}$ inchi ia-itu rekord baru, kedua Peter Paut juga dari Borneo Utara dan ketiga M. Maturine dari Brunei.

Melempar lembeng bahagian wanita; yang pertama Irene Sibidol dari Brunei dengan jauh-nya 90 kaki 4 inchi, kedua Fung Soon San dari Borneo Utara dan ketiga Valerie Kane dari Borneo Utara juga.

Lari 220 ela bahagian lelaki; yang pertama Fung Oi Chuen dari Borneo Utara dengan masa-nya 23.7 sa'at, kedua Kuda dari Sarawak dan ketiga Patrick Lim dari Borneo Utara.

SAMBUTAN HARI RAYA HAJI SMJA DAN SMLM MENADAKAN MAJLIS BAHATH

Sekolah Melayu Sultan Mohammad Jamal al-Alam, Brunei bergabong dengan Sekolah Melayu Laila Menchanai, Brunei telah mengadakan sambutan Hari Raya Haji tahun ini dengan mengadakan pertandingan2 bahath, sharahan dan bacha'an Qoran.

PERTANDINGAN MEMBACHA QORAN

Sambutan Bulan Moharram
nama peserta di-terima tidak
lewat 5hbl July

Sabagaimana tahun2 yang sudah sambutan tahun baharu Hijerah (Tahun Islam) bagi tahun ini akan di-adakan juga pertandingan membacha Al-Qoran terbuka kapada orang2 dewasa dan budak2 sekolah lelaki dan perempuan anjoran Persatuan Kesatuan Islam, Brunei.

Pertandingan ini akan di-adakan di-Mesjid Besar Pekan Brunei pada 19hbl. July akan datang ini bersama'an dengan 2hbl. Moharram, 1378.

Pertandingan bagi orang2 dewasa akan di-bahagi kepada dua bahagian ia-itu bahagian "A" dan "B".

Yang berjaya mendapat tempat yang pertama dan kedua dalam bahagian "B" akan dapat masok bertanding ka-dalam bahagian "A", dan saterusnya yang berjaya dari bahagian ini akan memasuki pertandingan seluruh Negeri Brunei, yang akan di-langsungkan pada 27hbl. July, 1958, juga bertempat di Mesjid Besar Pekan Brunei.

Orang ramai yang ingin memasuki pertandingan ini ada-

Sambutan2 tersebut telah di-adakan di-Sekolah Melayu SMJA; pertandingan bacha'an Qoran di-adakan pada 27hbl. June yang lalu, dan pada malam 28hbl. pula di-adakan peraduan bahath dan sharahan, kesemua-nya ini hanya terbuka kapada murid2 sekolah2 termaklum.

Sementara itu Sekolah Melayu Raja Isteri Fatimah juga telah mengadakan sambutan Hari Raya ini dengan pertandingan bacha'an Kitab such Al-Qoran bertempat di-dewan sekolah itu. Sambutan ini telah di-selanggarakan pada 27hbl. June yang baharu lalu ini.

UNDANG2 IMMIGRATION MULAI BERJALAN HARI INI -

Undang2 baru Immigration sabagaimana yang tersiar di-akbar2 tempatan dan melalui Radio Brunei hari ini kuatkuasa-nya sudah mulai berjalan. Demikian di-fahaman dari Duli Yang Maha Mulia Sultan dalam Council...

lah dengan ini di-ingatkan supaya menghantarkan nama-nya terus kepada Setia Usaha Pertandingan Membacha Qoran dengan alamat-nya di-Sekolah Melayu Sultan Mohammad Jamal al-Alam, Pekan Brunei tidak lewat dari 5hbl. JULY, 1958 ini. Hantarlah nama dan alamat yang terang.

*WAKIL2 BRUNEI KA PERTUNJOKAN TANAM2AN DI-KUALA LUMPUR, MALAYA

- sambongan dari muka 4 -

Melempar peluru bahagian lelaki; yang pertama A. Sibidul dari Brunei dengan jauhnya 44 kaki 10 inchi ia-itu rekord baru, kedua Eric Chin dari Borneo Utara dan ketiga Tan Teng Chew dari Sarawak.

Lompat jauh bahagian wanita; yang pertama Rose Chong dari Brunei dengan jauhnya 16 kaki 8½ inchi ia-itu rekord baru, kedua Chen Li Na dari Sarawak dan ketiga Adina Abad dari Borneo Utara.

Lari satu batu; yang pertama Dilbagh Singh Kler dari Borneo Utara dengan masa-nya 4 minit 44 sa'at ia-itu rekord baru, kedua A. Wahab Salleh dari Sarawak dan ketiga Lim Yang Hang juga dari Sarawak.

Lompat tinggi bahagian lelaki; yang pertama Lim Thau Ken dari Bornao Utara dengan tinggi-nya 5 kaki 10 inchi ia-itu rekord baru, kedua Peter Paut dari Borneo Utara juga dan ketiga Leong Chin Hin dari Sarawak.

Lari berganti2 bahagian wanita 4X40 ela; yang pertama Borneo Utara dengan masa-nya 55.6 sa'at ia-itu rekord baru, kedua Sarawak dan ketiga Brunei.

Lari berganti2 4X40 ela bahagian lelaki; yang pertama Sarawak dengan masa-nya 3 minit 38 sa'at ia-itu rekord yang baru, kedua Borneo Utara dan ketiga Brunei.

Jumlah markah yang di-menangi oleh bahagian lelaki pasukan Borneo Utara 43½ mata, Sarawak 36 mata dan Brunei 16½ mata. Bahagian wanita pasukan dari Borneo Utara memenangi 27 mata, Sarawak 16 mata dan Brunei 11 mata.

peringatan:

pemenang yang pertama di-beri 3 markah,
pemenang yang kedua di-beri 2 markah dan
pemenang yang ketiga diberi 1 markah.

Lima orang wakil2 dari Brunei telah bertolak ka-Kuala Lumpur, Malaya pada minggu yang lalu kerana menghadziri tamasha Pertunjukan Tanam2an yang telah pun di-adakan pada 27 hingga 29hb1. June yang lalu di-Kuala Lumpur.

Wakil2 itu ia-lah Tuan Pegawai Tanam2an Inche' Hamiddun bin Awang Damit, Awang Tahir bin Pehin Uda-na Khatib Awang Umar, Awang Majid bin Hajim Bakar, Johan bin Untak dan Inche' Hussain bin Abdul Hamid.

Inche' Hamiddun di-jangka akan balek ka-Brunei pada 2hbl. July ini dan yang lain-nya lagi pada awal bulan ini.

----- 0 -----

SULTAN TERIMA JEMPUTAN SULTAN

Baharu2 ini telah di-terima lagi satu surat jawapan dari Duli Yang Maha Mulia Sultan Kelantan atas jemputan DYMM Sultan Brunei kerana menghadiri tamasha Pembuka'an Resmi Mesjid Baru yang akan di-langsungkan pada akhir September akan datang ini.

Hingga kini tiga jawapan2 dari Sultan2 Malaya telah di-terima, menerima jemputan Sultan Brunei.

Dua orang lagi yang menerima jemputan itu ia-lah Yang Maha Mulia Sultan Selangor dan Yang Maha Mulia Sultan Pahang.

PERSIDANGAN KEHUTANAN KE-3

ANTARA TIGA NEGERI2 DI-BORNEO BRITISH TELAH MULAI 27hbl. JUNE

Persidangan Kehutanan yang ketiga antara ketiga buah Negeri2 diBorneo British: Brunei, Borneo Utara dan Sarawak telah di-mulai pada 27, 29hbl. dan lagi pada 4hbl. July akan datang ini.

Persidangan yang pertama telah bertempat di-Sandakan, Borneo Utara dalam tahun 1955 dan yang kedua di-Sarawak tahun 1956. Persidangan yang ketiga sasatunya berlangsung dalam tahun 1957 di-Brunei, tetapi telah di-tanggalkan sahingga tahun ini.

Persidangan ini telah di-hadziri oleh Tuan Conservator of Forest Borneo Utara G.L. Carsons, Tuan Acting Conservator of Forest Sarawak B.E. Smythies, Tuan Pegawai Kehutanan Brunei Dr E.F. Bruning, Tuan Penangku Conservator of Forest Borneo Utara P.F. Burgess, Tuan Forest Ecologist Borneo Utara D.I. Nicholson, Tuan Forest Research Officer Sarawak J.A.R. Anderson dan Tuan Forest Botanist Brunei P.S. Ashton.

Persidangan di-adakan pada tiap2 tahun guna mencapai perhubungan yang rapi serta kerjasama di-antara ketiga buah negeri ini, perbinchanan2 pada dua hari persidangan nengenai kebolehan2 menggabongkan pengeluaran kayu dari ketiga2 negeri dan nengenai mengadakan Sekolah Kehutanan bagi ketiga buah negeri ini juga yang memang ini perkara sungguh penting bagi masa hadapan. Persidangan bertempat di-Muara Lodge.

Pada penutup persidangan ini semua ahli2 yang mewakili negeri nasing2 akan di-bawa menyaksikan chunton2 perusahaan hal kehutanan di-Brunei, antara lain di-Hutan Simpan Andulau, Hutan Simpan Anduki dan di-Badas. Salain dari itu ahli2 persidangan itu juga di-jangka akan di-bawa melehat2 tumpok2 hutan di-Brunei dari udara, dan mengikutiarkan bagaimana musalah2 berkenaan hutan di-Brunei akan di-tempoh.

Persidangan akan datang di-adakan di-Borneo Utara dalam tahun 1959, ia-itu persidangan kehutanan yang ke-4.

TERLEPAS DARI PENJARA

Dua orang salah yang telah di-penjara di-Pinjara Jerudong telah dapat melarikan diri baharu2 ini. Demikian telah di-beritahu-kan dari pehak police.

Kedua2 orang salah yang lari itu ia-lah orang2 Iban, masing2 bernama Marin anak Sanda yang sedang menjalankan hukuman penjara salama 6 tahun dan Garinang anak Aji yang sedang menjalankan hukuman penjara salama 9 bulan.

Sahingga menyediakan berita ini belum ada apa2 penerangan lanjut dari pehak police telah di-terima, tetapi pencharian telah pun di-jalankan .

RENCHANA MENANGGUL TASEK

Dalam Majlis Mashuarat Negeri Brunei yang telah berlangsung permashuara-tan-nya baharu2 ini, telah mempersetujui supaya Keraja'an neneruskan Renchana Menanggul Tasek. Jumlah angka yang di-anggar bagi menanggul itu di-sediakan sabanyak \$4,800,000.

Pekerja'an bagi membina tanggul ini hendak-lah di-beritahukan untok di-ten-der.

JABATAN MENCHITAK KERAJA'AN

Satu chadangan supaya Keraja'an Brunei mengadakan Jabatan Menchitak sendiri telah di-hadapkan oleh Yang Berhormat Pengeran Ali bin Pengeran Haji Mohammad Daud. Chadangan ini telah di-sukong oleh Yang Berhormat Che'gu Marsal bin Maun.

Bagi menjawab chadangan ini, Yang Berhormat British Resident mengatakan yang ia-nya akan menimbangkan perkara ini.

PERAMPOKAN DI-SERIA

Satu perampukan telah berlaku di-Seria pada 20hbl. June yang lalu apakala perampok yang bertopping itu telah dapat mendarikan wang sabanyak \$2,000 dari sa-orang penyimpan wang di-Pejabat Buroh BSP Co., Seria.

Perampok itu sabelum merampok telah membutakan mata si-penyimpan wang itu dengan lada, ia-nya memakai topping dan kemudian merampas wang sabanyak \$2,000 dari tangan penyimpan wang itu lalu lari meninggalkan si-penyimpan wang hampir buta.

Majlis Mashuarat Negeri telah mempersetujui lantekan Dr Chang Wan Yu sebagai Inspector bagi sekolah2 China. Lantekan ini hendak-lah dalam penchoba'an sa-lama 6 bulan salepas mana jika di-dapati dalam masa itu ia telah memenohi maksud2 sabenarnya akan di-terima terus menjadi Inspector sekolah2 China sa-lama 2 tahun konterek.

Dalam pada itu majlis itu juga bersetuju supaya Mr Yong Yin Fatt di-lantek bekerja dibawah asuhan Dr Chang. Mr Yong ia-lah sa-orang guru di-SOAS College yang telah di-fikirkan layak bagi nemasoki latehan tersebut.

Salain dari itu Majlis ini juga bersetuju atas lantekan Miss H.K. Watson sebagai English Specialist.

ORANG KILANAS BOLEH MENANAM PADI?

Apakala di-tanya, Yang Berhormat Tuan British Resident dalam Majlis Mashuarat Negeri menjawab tidak ada sebab mengapa orang2 di-Kilanás/boleh bertanam padi tahun ini kalau hujan menchukupi. Pertanya'an itu datang-nya dari Yang Berhormat Pengeran Ali waktu majlis sedang merundingkan pembikinan terusan di-Limbang.

Selanjut-nya Resident telah mengatakan bahawa itu ada-lah penerangan dari Dr W.N. Scott kepada Council. Saterus-nya chara pengairan yang lama boleh di-perbuat bagi mengayer kawasan2 biasa itu kalau-lah ayer hujan boleh menchukupinya, dan penanaman juga boleh di-jalankan saperti biasa.

Pehak police sekarang sedang menjalankan penyiasatan yang rapi, dan sementara itu orang ramai adalah di-seru supaya bekerja sama dalam penyiasatan ini.